

涑州風土記

歙朱穎署檢

名宦

涿州風土記第八

舊志凡官吏有事蹟可紀者列爲名宦州縣學宮各有名宦鄉賢祠鄉賢以祀其土之先賢名宦則宦是土之有名績者也今考於舊志得其事績著者具存其梗槩其有文字流傳者亦附箸焉俾後來者有所考覽

蕭伯辰清江人永樂八年任州自宋熙寧間治靜安及明永樂十年七月漳滹沱並溢壞州城伯辰疏請徙治吳莊即今治也去靜安故城三十里創井屋立廛市修廟學建壇壝設郵傳葺廨舍三年而畢具事載明一統志大學士金幼孜其故人也爲文紀其事於碑明初伯辰前爲州可

考者二人平原朱瑛華亭段嗣宗瑛累遷北平布政使嗣宗累遷山西布政司參政伯辰任滿遷南京刑部郎中後祀名宦

李鴻乾州人正德六年任是時劉六劉七爲亂所至殘破無完城鴻率僚屬分城死守晝夜不寢賊引去鴻爲政興學校飭武備撫流移百姓德之後祀名宦

程煌婺源進士嘉靖二年冬任初下車問州父老知有宋歐陽珣墓在州東南明年二月遂爲文弔之其詞曰嗚乎公平不偶挺生會國多難兮值崇甯廷諍和議兮忤羣佞迫遣割地兮變禍臨委身殉國兮語城者以死守被戮金

人兮魂爲厲以殺虜嗚乎公平生而爲英死而爲靈天壤
俱敝兮萬古有名事曠世而相感心悲切而獨歎嗚乎哀
哉尙饗

官一夔平度州人能詩詩見明詩綜嘉靖壬午任先是蕭
伯辰遷治未及修城景泰間始築土城一夔到官城已頽
壞遂重修之城周九里高三丈厚視高加五尺而殺其上
得下厚四之一焉爲門名東曰迎暉西曰望嶽南曰臨濬
北曰拱辰甕城陴堞皆用甑甃城門鑿石爲樞治鐵爲扇
鋪環以銅八越月而功訖大學士夏言爲之碑記州八蜡
祠庫樓皆一夔所建一夔作原八蜡文曰八蜡祠者禮所

謂合聚萬物索饗百神者也夏曰清祀殷曰嘉平周曰大蜡今天下郡邑多有之余承乏潑州適鄰境蝗將索而祭之州人咸曰斯舉也不聞久矣余喟然曰非缺典乎乃卜社稷之北得善地故鄭太守之業呼其孫承勳與之直辭曰太守憂民以祈福吾敢利之乃爲堂設先農以下八主春秋以上戊舉祀凡有蝗螟水旱疫厲輒先告焉夫八蜡有祠非始於余也八蜡祠於潑蓋始於余也余懼悠悠者之議爲多事作原八蜡祠

錢梗山陰人嘉靖二十二年由刑部郎左遷來任始建名宦鄉賢祠自爲文書之碑其文曰祭法法施於民則祀之

以勞定國能禦大菑捍大患則祀之鄉先生沒祭於社皆禮也古者帝王存德念功以樹之民表恒令有司率所枉致祭入我朝茲典加重每郡州邑得建名宦鄉賢二祠以左右學宮歲春秋祀事裡舉嘉靖癸卯春二月丁丑余甫莅州之旦適承祭先聖乃惟名宦鄉賢夙未有祠所余何率從民何所儀仰再閱月大侍御適檄下覈茲二典余喟然曰深古名郡也治所數遷則蹟善遺事亟索典易湮余用是懼索故籍諮時賢於名宦取其功得宋王鼎我朝蕭伯辰李鴻三人伯辰徙今治者勞不可沒也州卒謀刦庫應貝州反者王鼎斬之壩上賊劉六劉七縱橫河北所至無

完城李鴻能守胥於大患能捍焉於鄉賢取其德得唐魏
知古張薦晉李自倫我朝王甯杜時劉瑄劉俊凡七人魏
知古知諫道發國之奸張薦廷論盧杞李自倫同居之義
王甯廬墓之孝杜時時輩稱爲夫子有足重焉劉瑄清介
之士劉俊余聞其廉吏於大學士石熊峰集驗之非皆所
謂鄉先生其人邪乃即學宮之前右方經始爲祠統之一
堂分左右位祀之左祀名宦右鄉賢云梗在州議阻修漳
沱議弛鹽禁議停堡土皆有益於民舊志不載其議河事載
陸清獻所箸靈壽志

余一鵬莆田進士嘉靖二十六年任漳沱流徙不常始蕭

伯辰遷治以避水及是溥沲又逼新治一鵬於郭外築長堤九里以禦水水至賴堤而全是時方議開河一鵬條列利害上之河議遂寢一鵬精會計里書飛洒加零多科一鵬一切禁絕遷戶部員外麻湖廣按察司僉事始一鵬前爲州者有吳縣伊伯熊遷同知繼一鵬後者霑化吳應軫遷河間同知蒲田張斌遷漢陽同知蒲州范學禮遷歸德同知歙縣程道東遷雲南知府其遷按察司僉事者自一鵬後有桂林周時中武安張光漢時中失其行省光漢僉事山東嘉隆間爲州以遷去者凡八人而一鵬最著一鵬長於聽斷始州民傅型嘉死其妻岳氏伏尸號哭遂自經尸

旁洪武十九年表其門爲建祠堂建坊有司歲時致祭蠲
傅岳二家田賦給祀事其後羣豪民因滹沱北徙侵耕祀
田嘉靖十四年有詔舉廢典父老言於知州文三省請檢
覈此田羣豪赴愬上官父老反得罪巡按周公察其誣判
還田祠祀明年知州董琦至羣豪給董給之田券董授代
去羣豪恃券益恣又盡購訟田舊牘隱匿之隆慶二年一
鵬到官人有言此田者一鵬以無文牘可驗未發也羣豪
大喜已而豪黨自相訐一鵬令依周巡按判豪不服愬之
後巡按劉公劉公檄州覈田一鵬具論田宜還狀且上經
畫祀田條議而分其羨餘習讀法社飲諸儀劉公許之州

民大悅於是舊所隱占古社壇田盡自首還官一鵬記其事勒之碑碑今存張斌嘉靖三十一年任政尙威嚴歲歉盜白晝劫人斌悉禽治一州懾服嘗增築一鵬所爲堤以禦水患張光漢嘉靖四十年任性嚴毅其治綱紀肅然遷工部虞衡司員外去任民留其履懸於麗譙爲立去思碑後累遷山東按察僉事也程道東隆慶三年自工部郎左遷來任躬冒雨塞河構怨鄰縣卒自白於撫按兩院遷去州人立去思碑

李恩寵洋縣進士萬厯元年任後遷衛輝府同知州人霍州知州張天秀爲撰去思碑其畧曰公初令鉅鹿民爲畫

像建生祠爲涿州三歲遷去去踰年齊民張恒郭富陳仲
亨劉仲禮義官王天祿等采貞石紀公績狀徵言天秀蓋
公在州審編者二能均貧富所省千餘金上疏議河能明
民利害州舊代饒陽納租銀六百兩公能與撫按力爭止
代二百州舊僉恒山庫役一名僉役者家立破公能上文
書力爭止派銀十七兩永不僉役州北有十屯十屯錢糧
難徵納公請留爲本州官師俸錢公私稱便凡冗役冗費
一皆裁革斗子庫子能與均調其紙戶不令攀陪麪糊不
累小甲夫馬繁重書手飛詭一皆蠲豁社倉積穀至四千
石其大政若此枝辭飾語不敢贅云

劉應民隨州人初爲淮安同知以能遷南京刑部郎會朝
議出重臣治郡以應民知涇州精核強幹大豪倚闥宦撓
法急持之奸猾斂手州常代他郡邑輸賦歲萬金應民上
請停止修州志於民事利弊未嘗不往復深切言之也修
廟學自爲碑記畧曰涇學故在舊城距今治三舍許永樂
壬辰舊城圯於水文廟屹然獨存於時知州蕭公伯辰請
於朝遷今治卜地於治東爲學而廟在灌莽中垂十年莫
能遷永樂甲辰諸生竇啓等謀於學官蕭友信白知州李
嵩始遷廟今所草昧之初制多闕陋歲久蠹敗勢使然也
萬厯丙子夏應民承乏是州視事之明日祇謁先師惻然

思所以繕治之越明年丁丑從計吏還迺與僚友計役差
其緩急而次第之廟學前有隙地東迫民居購而拓之更
新坊屏平剔穢翳坊左右翼以崇墉稍北鑿泮池半畝深
可一仞爲石橋其上右池而前爲學門又前琢石爲櫺星
門又前爲戟門門左爲敬一亭以覆敬一碑又前爲名宦
鄉賢二祠又前爲東西廡別爲興詩立禮成樂三齋於明
倫堂前功緒立矣乃庀材新廟木之腐者易之石之惡者
精之基崇於舊者六尺於是父老聚遊以爲百年未興之
役一旦觀成也廟成以餘材新明倫堂庖湑庫廐畢具移
啓聖祠於明倫之北祠後爲號舍四十四間肇工於丁丑

五月落成於戊寅十二月釋奠廟下揖諸生進之曰汝溪
有學所從來舊矣今役不違時財不殫詘惟溪民是賴有
司與有榮焉士之自愛與父兄之愛其子弟俾遊息其中
者可不思自策勵以求無負今日修學之意哉士所貴在
厲廉隅明道誼處則增重於鄉邑出則霖雨乎天下策勳
名於旂常流芳聞於奕裔始無愧先師垂世立教之旨若
夫掇巍科躋膺仕則自諸生餘事耳何用喋喋爲諸生拜
手曰命之矣退遂書之石以志歲月云應民他善政至多
州人祀之名宦

閩煖項城舉人祀名宦

煖讀許元切漢書藝文志有龐
煖三篇顏注許遠許元二音

張鳳翼長安舉人萬厯二十三年任爲政嚴明盜賊屏息以遷去官民爲立生祠始州但土城官一變重修州城惟甕城及陣堞甕甗餘仍土也鳳翼始改甗城旣去而井陘道山陰鄭一麟爲之碑記其畧曰永樂十年城圯於水遷今治猶未及城景泰間始築城然率用土遇雨即壞壞復修工役不息萬厯乙未張君來守惄然憂之丁酉城益圯於是議增築議上御史大夫李公令改甗甗城君集士夫謀之會入覲中止覲還衆意懈君獨斥俸錢召工創修西城二十餘丈有監生謝師教者率徒友數人願城六十餘丈於全役未能十一也復上請御史大夫發帑二百兩繼

直指喬公監軍大夫吳公御史楊公各助金有差計可給
工費十之五於是州民奮興興甑若灰若薪米集城下未
踰時而城完城高二丈六尺厚二丈八尺而縮其上建角
樓於四隅經始戊戌六月落成己亥四月余代吳公來鎮
喜觀其成也君旋以治績遷去新守金君請記其事遂書
其事始終勒之石詔來者碑所稱金君名應鳳會稽進士
多惠政民亦爲立生祠自劉應民後記載多闕爲州者多
失其任事之年雖籍貫亦多不著其祀名宦祠者一人曰
閻煖項城舉人立生祠者五人鳳翼前一人曰陳良知莒
州舉人簡易清儉以遷去官行李無長物應鳳後二人曰

姚維新臨晉舉人治尙寬簡先爲廣宗廣宗祀之名宦祠
曰陳鴻恩舉人不知何縣人其生祠在南關

孫士美華亭舉人崇禎十一年任明年十一月 大清兵
至率僚屬集士民誓死守禦城破正衣冠北向哭拜曰臣
力竭矣又南向哭拜曰兒不能事親矣遂自經於蕪叢亭
留詩亭壁詩曰敵騎繞孤城無援定不平君親本至性南
北總關情此曰魚書急何時鶴唳清寄言青史上莫載罪
臣名是時薦紳守城者感士美之義乘城不去駢死城上
事具見武節志中僚屬同守者判官劉沛然選貢生學正
任尹邢臺人訓導王孟夏鉅鹿人訓導劉名言唐山人訓